

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) na prijedlog Ministarstva za boračka pitanja, Vlada Zeničko-dobojskog kantona, na 112. sjednici, održanoj dana 07.07.2021.godine, d o n o s i

## **ZAKLJUČAK**

### **I.**

Prihvata se Informacija o stipendiranju redovnog studija branilaca i članova njihovih porodica za studijsku 2020./2021.godini Ministarstva za boračka pitanja.

### **II.**

Informacija iz tačke I. ovog zaključka nalazi se u prilogu i čini njegov sastavni dio.

### **III.**

Zaključak stupa na snagu danom donošenja.

**PREMIJER**

***Mirnes Bašić***

Broj: 02-\_\_\_\_\_/21  
Datum, 07.07.2021. godine  
Zenica

DOSTAVLJENO:

1x Ministarstvo za boračka pitanja,  
1x a/a.

**Bosna i Hercegovina**  
**Federacija Bosna i Hercegovina**  
**Zeničko-dobojski kanton**  
**MINISTARSTVO ZA BORAČKA PITANJA**

## **I N F O R M A C I J A**

**o stipendiranju redovnog studija branilaca i članova njihovih porodica u  
studijskoj 2020./2021.godini**

Zenica, jun 2021.godine

U politici poboljšanja socijalno-ekonomskog položaja branilaca i članova njihovih porodica na području Zeničko-dobojskog kantona, godinama posebna pažnja pripada obrazovnoj politici, obzirom da u planiranju budućnosti obrazovni nivo ove kategorije određuje sposobnost istih da se uključe u proces rada odnosno rezultata koji se radom ostvaruju.

## **DIO DRUGI - Normativna regulativa**

### **POGLAVLJE I – Zakonski propisi**

Ustavom Federacije BiH propisano je utvrđivanje obrazovne politike, uključujući donošenje propisa o obrazovanju i osiguranje obrazovanja u nadležnosti kantona.

Pravo na prioritet dodjele stipendije za studij pripadnika branilačke populacije kao pravo koje se ostvaruje na nivou kantona, regulisano je federalnim propisima i to:

- Član 7. Zakona o pravima branilaca i članova njihovih porodica ("Službene novine Federacije BiH", br. 33/04, 56/05, 70/07, 9/10 i 90/17),

- Član 3. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05, 61/06 i 9/10).

Dodjela stipendija braniocima i članovima njihovih porodica za period na koji se odnosi ova Informacija vršena je na osnovu slijedećih kantonalnih propisa:

- Član 23. Zakona o dopunskim pravima branilaca i članova njihovih porodica ("Službene novine Zeničko-dobojskog kantona", br. 1/14) prema kojem: "Braninci i članovi njihovih porodica, koji su srednje obrazovanje stekli u školama na području Bosne i Hercegovine, imaju pravo na dodjelu stipendije za redovni studij na visokoškolskim ustanovama, u skladu sa posebnim propisom koji donosi Vlada Kantona, a kojim se naročito utvrđuje visina novčanih sredstava za stipendiranje, uvjeti, način i postupak dodjele stipendija, kao i ostala pitanja od značaja za ostvarivanje ovog prava."

- Uredba o stipendiranju redovnog studija branilaca i članova njihovih porodica („Službene novine Zeničko-dobojskog kantona“ br. 4/14 i 1/18).

### **POGLAVLJE II – Uredba o stipendiranju redovnog studija branilaca i članova njihovih porodica**

Ministarstvo za boračka pitanja Zeničko-dobojskog kantona (u daljem tekstu: Ministarstvo) kao nosilac aktivnosti na dodjeli stipendija po Uredbi, opredjelilo se za stipendiranje redovnog studija na visokoškolskim ustanovama, koji obuhvata redovni i samofinansirajući studij prvog i drugog ciklusa Bolonjskog sistema studiranja.

U skladu sa odredbama Uredbe:

- Visina stipendije za prvu godinu studija iznosi 800,00 KM, a za drugu i ostale godine studija, te za prvu i drugu godinu drugog ciklusa je u iznosu od 1.200,00 KM.

- Isplata stipendija se vrši u osam jednakih mjesečnih rata koje iznose za prvu godinu studija 100,00 KM, a za drugu i ostale godine studija 150,00 KM.

- Pravo na dodjelu stipendije mogu ostvariti:

- a) dobitnici ratnih priznanja ili odlikovanja;
- b) ratni vojni invalidi;
- c) demobilizirani braninci koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu;
- d) članovi porodice šehida, poginulih, umrlih i nestalih branilaca i umrlih ratnih vojnih invalida;
- e) članovi uže porodice poginulih, umrlih ili nestalih dobitnika ratnog priznanja ili odlikovanja;
- f) djeca dobitnika ratnih priznanja ili odlikovanja – do navršene 30. godine života;
- g) djeca ratnih vojnih invalida – do navršene 30. godine života;

- h) djeca demobiliziranih branilaca koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu – do navršene 30. godine života;

Uredbom su utvrđeni i posebni korisnici koji mogu ostvariti pravo na stipendiju:

- a) dijete šehida, poginulog, umrlog, nestalog branioca, kojem je prestalo pravo na porodičnu invalidninu – do navršene 35. godine života;
- b) dijete poginulog, umrlog ili nestalog dobitnika ratnog priznanja ili odlikovanja, osim lica iz tačke a) kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na porodičnu invalidninu – do navršene 30. godine života;
- c) dijete umrlog demobiliziranog branioca koji je u redovima Oružanih snaga proveo najmanje dvije godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti – do navršene 30.godine života.

- Pravo učešća na konkursu za dodjelu stipendije nemaju kandidati koji:

- a) imaju status apsoluta;
- b) su u tekućoj studijskoj godini na istom ili drugom fakultetu ponovno upisali istu godinu studija;
- c) koji su na vanrednom studiju;
- d) koji primaju kredit ili stipendiju drugog davaoca;
- e) čiji prihod po članu domaćinstva prelazili iznos od 634,40 KM (80% prosječne neto plaće isplaćene u Kantonu u prethodnoj godini);
- f) oni ili članovi njihovog porodičnog domaćinstva su vlasnici ili suvlasnici subjekta koji obavlja privrednu ili drugu djelatnost, registriranog kao privredno društvo;
- g) nemaju prebivalište na području Kantona najmanje dvije godine neprekidno, osim povratnika u Republiku Srpsku;
- h) su upisali studij poslije navršene 25.godine života osim dobitnika ratnih priznanja ili odlikovanja, ratnih vojnih invalida i demobiliziranih branilaca koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu;

S tim u vezi odredbe tačke e) se ne odnose na kandidate – članove porodice šehida, poginulih, umrlih i nestalih branilaca i umrlih ratnih vojnih invalida i članove uže porodice poginulih, umrlih ili nestalih dobitnika ratnog priznanja ili odlikovanja

- Uz prijavu na konkurs kandidati dostavljaju sljedeću dokumentaciju:

- a) ovjerenu fotokopiju lične karte;
- b) dokaz o statusu branioca i člana njegove porodice;
- c) uvjerenje o prebivalištu;
- d) potvrdu o redovnom studiju;
- e) dokaz o ostvarenom uspjehu u prethodno završenoj školskoj/studijskoj godini (ovjerena kopija svjedočanstva /uvjerenje o ostvarenom prosjeku ocjena u predhodnoj studijskoj godini);
- f) ovjerenu kućnu listu;
- g) uvjerenje ili drugi dokaz o prosječnom prihodu za posljednja tri mjeseca za svakog punoljetnog člana domaćinstva sa kućne liste (za nezaposlene uvjerenje Biroa za zapošljavanje, a za lica koja se ne vode na evidenciji nezaposlenih kopija zdravstvene knjižice;
- h) ovjerenu kopiju Specifikacije za utvrđivanje dohotka od samostalne djelatnosti - obrazac SPR 1053 (koji se podnosi uz Godišnju poreznu prijavu/ Godišnju prijavu dohotka za predhodnu budžetsku godinu) za 2019.godinu;
- i) ovjerenu izjavu o ukupnim prihodima domaćinstva;
- j) izjavu da ne prima stipendiju po drugom osnovu.

Prijava na konkurs sa potrebnom dokumentacijom podnosi se gradskoj/općinskoj službi nadležnoj za poslove branilačko-invalidske zaštite u gradu/općini u kojoj kandidat ima prebivalište, odnosno, ukoliko

se radi o povratniku u RS, u gradu/općini u kojoj ostvaruje prava iz branilačko-invalidske zaštite ili najbližoj općini na području Kantona.

- Izbor kandidata za dodjelu stipendija vrši se na osnovu liste prvenstva, sačinjene bodovanjem po slijedećim kriterijima:

- a) ostvaren uspjeh u prethodno završenoj školskoj/studijskoj godini;
- b) socijalno-ekonomska situacija;
- c) ratna priznanja, ratni staž i invaliditet (odnosi se na roditelja po osnovu čijeg učešća u OS kandidat ostvaruje pravo učešća na konkursu).

- Pravo na dodjelu stipendije bez bodovanja imaju kandidati koji su: dobitnici ratnih priznanja ili odlikovanja; ratni vojni invalidi; demobilizirani branioci; članovi porodice šehida, poginulih, umrlih i nestalih branilaca i umrlih ratnih vojnih invalida, posebni korisnici prava (dijete šehida, poginulog, umrlog, nestalog branioca, kojem je prestalo pravo na porodičnu invalidninu – do navršene 35. godine života, dijete poginulog, umrlog ili nestalog dobitnika ratnog priznanja ili odlikovanja, kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na porodičnu invalidninu – do navršene 30. godine života i dijete umrlog demobiliziranog branioca koji je u redovima Oružanih snaga proveo najmanje dvije godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti – do navršene 30. godine života), djeca ratnih vojnih invalida sa procentom invaliditeta 70% i više i kandidati sa procentom invaliditeta 70% i više.

- Stipendija po Uredbi se dodjeljuje samo jednom kandidatu iz jednog porodičnog domaćinstva sa izuzetkom za kandidate - djecu šehida, poginulih, umrlih i nestalih branilaca, poginulih, umrlih ili nestalih dobitnika ratnog priznanja ili odlikovanja, umrlih ratnih vojnih invalida i umrlih demobiliziranih branilaca

### **DIO TREĆI - Dodjela stipendija u studijskoj 2020./2021.god.**

Stipendije u studijskoj 2020./2021.godini dodjeljivane su kandidatima izabranim po osnovu rezultata konkursa koje je raspisalo Ministarstvo za boračka pitanja u Dnevnom avazu i Našoj riječi dana 03.11.2020.godine, a obavještanje o objavljenom konkursu za dodjelu stipendija (postupak podnošenja zahtjeva, potrebna dokumentacija, kriteriji za izbor kandidata) izvršeno je i putem nadležnih gradskih/općinskih službi za branilačko-invalidsku zaštitu, kantonalnih branilačkih organizacija, oglasnih ploča i web stranice Kantona.

Za stipendiranje studenata branilaca i članova njihovih porodica u 2021. godini realizirati će se sredstva u ukupnom iznosu od 2.285.600 KM. Dugi niz godina Ministarstvo realizuje ovu aktivnost i sredstva su se iz godine u godinu znatno povećavala, ali obzirom na pandemiju corona virusom, ove budžetske godine sredstva su nešto umanjena.

U ovogodišnjoj konkursnoj proceduri primjenio se član 24. stav 2) Uredbe o procentualnoj raspodjeli opredjeljenih budžetskih sredstava gradu/općini Kantona i broj ostvarenih bodova na konačnoj listi grada/općine. U predhodne dvije godine nije se moralo primjeniti navedeno obzirom da je Vlada Kantona i Ministarstvo obezbjedilo novčana sredstva koja su omogućila da svi studenti-aplikanti koji su ispunjavali uslove konkursa budu i korisnici stipendije Ministarstva za boračka pitanja.

U skladu sa članom 30. Uredbe ministar Ministarstva je donio Instrukciju za provođenje konkursne procedure za dodjelu stipendija studentima redovnog i samofinansirajućeg studija na visokoškolskim ustanovama (prvog i drugog ciklusa Bolonjskog sistema studiranja)- braniocima i članovima njihovih porodica za studijsku 2020/2021.godinu, sa hodogramom aktivnosti za sve nadležne službe Kantona i Ministarstva.

Instrukcijom su data pojašnjenja pojedinih odredbi Uredbe, a u cilju jednoobraznog i efikasnog provođenja procedure, kao i obavezujući hodogram aktivnosti zbog važnosti koordiniranog rada između Ministarstva i nadležnih gradskih/općinskih službi. Rok za izradu, isticanje konačne liste prvenstva na oglasnoj ploči grada/općine i dostavljanje istih Ministarstvu bio je 18.01.2021.godine. Pošto je na snazi bila Odluka o privremenom finansiranju Zeničko-dobojskog kantona za period 01.01.2021. do

31.03.2021.godine („Službene novine Zeničko-dobojskog kantona“ broj: 21/20) realizacija konkursne procedure je obustavljena do donošenja Budžeta Zeničko-dobojskog kantona za 2021. godinu („Službene novine Zeničko-dobojskog kantona“ broj: 7/21). Na osnovu dostavljenih konačnih listi, a u skladu člana 24. stav 2) Ministarstvo je obavjestilo nadležne službe u gradu/općini Kantona o broju odobrenih stipendija. U prilogu obavijesti dostavljeni su i spiskovi korisnika boračke stipendije u studijskoj 2020./2021. godini. Rješenja o dodjeli stipendija izabranim kandidatima u skladu sa članom 211. Zakona o upravnom postupku, odnosno rješenja o odbijanju ili odbacivanju zahtjeva za dodjelu stipendije u skraćenom postupku na osnovu člana 139. stav 1. i 2. Zakona o upravnom postupku donose gradske/općinske službe nadležne za poslove branilačko-invalidske zaštite.

U skladu sa članom 22. stav (3) i članom 25. stav (3) Uredbe o žalbama na rješenja gradskih/općinskih službi rješava Ministarstvo. Po konkursnoj proceduri dodjele stipendija studentima za studijsku 2020/2021.godinu ukupno je uloženo 247 žalbi (12 po preliminarnoj listi i 235 po konačnoj listi). Po osnovu okončane procedure u postupku žalbi u Ministarstvu, uvaženo je 7 žalbi i istim su na osnovu opravdanosti i ostvarenog broja bodova na konačnoj listi odobrene stipendije.

## **DIO ČETVRTI**

### **- Tabelarni pregled prijavljenih studenata i odobrenih stipendija sa komentarom**

Gradske/Općinske službe nadležne za pitanja branilačko-invalidske zaštite Kantona zaprimile su ukupno **2.785** (dvijehiljadesedamstotinaosamdesetpet) zahtjeva za dodjelu stipendija za studijsku 2020/2021. godinu. 2572 studenta ispunjavala su uslove konkursa, bodovani su i nalaze se na konačnim listama grada/općine. Pregled broja prijavljenih kandidata po općinama i kategorijama branilačke populacije prikazan je u tabeli broj 1., a u tabeli broj 2. prikazani su podneseni zahtjevi po godinama studija prvog i drugog ciklusa studiranja.

Pravo na dodjelu stipendija za posmatranu studijsku godinu ostvarilo je ukupno **2038** (dvijehiljadeitridesetosam ) studenata što je za 211 stipendija manje u odnosu na predhodnu godinu, a za 194 stipendije manje na studijsku 2018./2019. godinu kada su svi studenti koji su ispunjavali uslove konkursa bili i korisnici boračke stipendije. Napominjemo da je nekoliko studenata sa konačnog spiska odustalo od stipendije iz razloga što je konkursna procedura trajala duže nego obično i što su se studenti u međuvremenu prijavljivali i na druge oglase i ostvarili pravo na stipendiju drugog davaoca koja je povoljnija. Čak i nakon prosljeđivanja odluka i naloga Ministarstvu finansija desilo se odustajanje od stipendije i isto je tražilo kompletnu izmjenu odluke i drugih akata vezano za konkursnu proceduru.

Pregled broja korisnika stipendija po općinama i kategorijama pripadnosti branilačke populacije prikazan je u tabeli broj 3., a u tabeli broj 4. je pregled po godinama studija prvog i drugog ciklusa studiranja. Tabela 5. sadrži pregled/rekapitulaciju zaprimljenih zahtjeva/odobrenih stipendija po općinama i kategorijama, a tabela 6. ukupan i mjesečni iznos sredstava. U tabeli odobrenih stipendija nije prikazano da su 33 studenta- djeca DNRP korisnici boračke stipendije.

Tabela 7. sadrži hronološki pregled broja odobrenih stipendija i sredstava po općinama i godinama od studijske 2013./2014.godine i dalje.

## **DIO PETI - Zaključna razmatranja**

Obrazovanje, kao segment obrazovne i socijalne politike društva, a u dijelu koji se odnosi na branilačku populaciju, dio je obaveze i moralnog duga države, koji se na ovaj način usmjerava na jačanje kapaciteta pojedinca i društva u cjelini. U tom smislu stipendiranje studenata branilaca i članova njihovih porodica zauzima značajnu ulogu i ovo je uvijek bio jedan od prioriteta Ministarstva, što će svakako biti politika i praksa i ubuduće.

Imajući u vidu da je samo 9 (devet) šehidske djece u pravu i da je apliciralo na konkurs i ostvarilo pravo na boračku stipendiju, a da se iz godine u godinu povećava broj djece demobiliziranih branilaca i umrlih demobiliziranih branilaca, da je među stipendistima najveći broj onih koji su postigli veoma dobar uspjeh u toku školovanja, da korisnici stipendije Ministarstva – studenti ne gube godine, a rezultat je u povećanom broju studenata druge i ostalih godina studija, te da se radi o porodicama koje se nalaze u

stanju socijalne potrebe (veliki broj djece DB su iz porodica bez primanja i sa primanjima koja su u toku 2020.-te godine ostvarena egzistencijalnom naknadom federalnog ili kantonalnog nivoa vlasti), smatramo da je stipendiranje branilaca i članova njihovih porodica u potpunosti opravdalo svoju svrhu.

Do ove studijske godine Ministarstvo je pratilo trend prijava na konkurs koji je iz godine u godinu bio zadovoljavajući, ali sa donošenjem Zakona o bezuslovnom prelasku u narednu studijsku godinu u septembru 2020.godine nije se mogao pratiti dijagram upisa i okončanja studija studenata koji su korisnici boračke stipendije. Ali bez obzira na sve teškoći Vlada ZDK i Ministarstvo je i za ovu studijsku godinu obezbjedilo sredstava da cca 75 % studenata koji su aplicirali, a ispunjavaju uslove konkursa, dobiju stipendiju.

Sagledavajući kompleksnu situaciju u društvu izazvanu pandemijom corona virusa svi kantoni u Federaciji BiH pa tako i Zeničko-dobojski su donosili razne vrste mjera kako bi ublažili posljedice pandemije. Jedna od mjera je bila i donošenje zakona vezano za studiranje, a odnosila se na bezuslovan prelazak u narednu studijsku godinu. Ista je omogućila da student upiše narednu studijsku godinu bez obzira što su ostali nepoloženi ispiti iz predhodne studijske godine što je rezultiralo da nije bilo obnove godine, a isto je uslovilo i povećan broj aplikanata za boračku stipendiju. U proceduri se nisu mogli evidentirati i izdvojiti takvi slučajevi i nije se mogao utvrditi broj takvih aplikacija. Navedeno je izazvalo revolt kod onog dijela studenata koji su očistili godinu, ali nisu ostvarili određeni broj bodova na konačnoj listi da bi dobili stipendiju. Isti su formirali i fejbuk grupu i u rješavanju traženih zahtjeva održan je i zajednički sastanak kod Premijera ZDK sa predstavnicima Ministarstva za boračka pitanja, Ministarstva za obrazovanje, nauku, kulturu i sport i predstavnika studenata. Zahtjevi su se odnosili da se obezbjede dodatna sredstva da bi svi studenti dobili stipendiju ili da se izvrši preraspodjela planiranih sredstava na sve studente koji ispunjavaju uslove i koji se nalaze na konačnim listama grada/općina Kantona. Nažalost traženi zahtjevi se nisu mogli realizovati iz razloga nedovoljnog iznosa ukupnih sredstava i zakonske procedure pri dodjeli boračke stipendije, ali Ministarstvo će se i dalje truditi da i u narednim godinama prati broj podnesenih zahtjeva i u skladu broja podnesenih zahtjeva koji ispunjavaju uslove konkursa osigura što veća budžetska sredstva, čime će u mnogome pomoći ovu kategoriju stanovništva.

U skladu sa članom 17. Uredbe samo jedan kandidat iz porodice sa dva i više studenata dobije boračku stipendiju. Možda je vrijeme da se sagleda mogućnost izmjene navedenog člana, jer ista se tiče porodica demobiliziranih branilaca i ratnih vojnih invalida sa manjim procentom invalidnosti koji su i najugroženiji, te da se dodjeljuju stipendije za dva redovna studenta, ali da drugi student bude redovan student prvog ciklusa studija.

U ovom smislu poželjno je i dalje omogućiti dodjelu stipendija na nivou Zeničko-dobojskog kantona svim redovnim studentima pripadnicima branilačke populacije.

Pored toga, smatramo važnim istaći da je ubuduće potrebno ostvariti još bolju koordinaciju i uskladiti aktivnosti svih davalaca stipendija i kredita za školovanje na području Kantona i šire, a u cilju postizanja pravednije raspodjele i obuhvatanja što većeg broja studenata ovim vidom pomoći.

**Prilog:**

- tabele 1 do 7.

**MINISTAR**  
*Fahrudin Čolaković*

| Općina        | Breza      | Doboj Jug | Kakanj     | Maglaj     | Olovo      | Tešanj     | Usora     | Vareš     | Visoko     | Zavidovići | Zenica     | Žepče      | Ukupno       |
|---------------|------------|-----------|------------|------------|------------|------------|-----------|-----------|------------|------------|------------|------------|--------------|
| br.stipendija | 114        | 46        | 170        | 160        | 113        | 218        | 34        | 79        | 225        | 237        | 441        | 201        | 2.038        |
| I RATA        | 15.800,00  | 6.300,00  | 24.100,00  | 22.750,00  | 16.100,00  | 30.700,00  | 4.700,00  | 10.800,00 | 31.600,00  | 33.600,00  | 61.100,00  | 28.150,00  | 285.700,00   |
| II RATA       | 15.800,00  | 6.300,00  | 24.100,00  | 22.750,00  | 16.100,00  | 30.700,00  | 4.700,00  | 10.800,00 | 31.600,00  | 33.600,00  | 61.100,00  | 28.150,00  | 285.700,00   |
| III RATA      | 15.800,00  | 6.300,00  | 24.100,00  | 22.750,00  | 16.100,00  | 30.700,00  | 4.700,00  | 10.800,00 | 31.600,00  | 33.600,00  | 61.100,00  | 28.150,00  | 285.700,00   |
| IV RATA       | 15.800,00  | 6.300,00  | 24.100,00  | 22.750,00  | 16.100,00  | 30.700,00  | 4.700,00  | 10.800,00 | 31.600,00  | 33.600,00  | 61.100,00  | 28.150,00  | 285.700,00   |
| V RATA        | 15.800,00  | 6.300,00  | 24.100,00  | 22.750,00  | 16.100,00  | 30.700,00  | 4.700,00  | 10.800,00 | 31.600,00  | 33.600,00  | 61.100,00  | 28.150,00  | 285.700,00   |
| VI RATA       | 15.800,00  | 6.300,00  | 24.100,00  | 22.750,00  | 16.100,00  | 30.700,00  | 4.700,00  | 10.800,00 | 31.600,00  | 33.600,00  | 61.100,00  | 28.150,00  | 285.700,00   |
| VII RATA      | 15.800,00  | 6.300,00  | 24.100,00  | 22.750,00  | 16.100,00  | 30.700,00  | 4.700,00  | 10.800,00 | 31.600,00  | 33.600,00  | 61.100,00  | 28.150,00  | 285.700,00   |
| VIII RATA     | 15.800,00  | 6.300,00  | 24.100,00  | 22.750,00  | 16.100,00  | 30.700,00  | 4.700,00  | 10.800,00 | 31.600,00  | 33.600,00  | 61.100,00  | 28.150,00  | 285.700,00   |
| Ukupno KM     | 126.400,00 | 50.400,00 | 192.800,00 | 182.000,00 | 128.800,00 | 245.600,00 | 37.600,00 | 86.400,00 | 252.800,00 | 268.800,00 | 488.800,00 | 225.200,00 | 2.285.600,00 |